

Ku hlongoriwa ka Muofisirinkulu swa Xinawu Refiloe Mokoena i mhaka ya kahle

Tshwane, 15 Khotavuxika 2021 – SARS yi amukela xiboho xa Khomixini ya Vulamuri (CCMA) xa leswaku ku hlongola yona ka khale ka Muofisirinkulu wa swa Xinawu Gqwetankulu Refiloe Mokoena ku ve mhaka ya kahle.

Eka ahlulo wa yona wa ti 14 Khotavuxika, CCMA yi bakanyerile etlhelo xikoxo xa Manana Mokoena xa leswaku SARS yi herisile ntholo wa yena endzhakukaloko a voniwile nandzu wa matikhomelo mo biha eka ntengo wo tshinya laha yi endleke hi ndlela yo hoxeka.

CCMA yi bakanyerile etlhelo mphiko wa Manana Mokoena wa leswaku a ku na vumbhoni bya ntengiso ehenhla ka yena. Yi tlhele vona xiringanyeto xo biha ku suka eka xiboho xa Manana Mokoena xo ala ku nyika vumbhoni kumbe ku vitana timbhoni.

SARS yi hlongorile Manana Mokoena hi Hukuri 2019 endzhaku ka hetisisiwa ka ntengo wo tshinya wa ntlhanu wa masiku. Eku hetisisiweni ka ntengo, manana Mokoena u voniwile nandzu wa matikhomelo mo biha eka milandzu leyi landzelaka:

- U ngenelerile hi ku hetiseka eku fambiseni ka mivuyiselo ya VAT ya ntsengo wa R150-million handle ka xivangelo xo twala xo endla tano.
- Manana Mokoena a ri hava vutivi lebyi lavekaka bya xibalo na/kumbe bya xinawu kambe ematshan'wini ya leswi u tlurile SARS na vatokoti va le handle eka nawu wa xibaloko no tirhisa xiyenge lexi suriweke xa Nawu wa VAT ku yimelela xileriso xa leswaku mivuyiselo ya Oakbay yi hakeriwa eka akhawunti ya vandla ra vunharhu.
- U endlile leswaku vuxokoxoko bya muhakelaxibalo byi averiwa ku nga tlula swipimelo swa nawu wa xibalo lowu lavaka leswaku vuxokoxoko bya muhakelaxibalo byi tshama byi ri xihundla.

SARS yi yimile na mbuyelo wa ntengo wo tshinya wa leswaku swihello ehenhla ka Manana Mokoena a swi tika, u tikhomile hi ndlela yo biha no kombisa mikhuva leyi n'wi endleke a nga ringaneli ku tirha tanihi Muofisirinkulu wa swa Xinawu wa SARS

Ahlulo wa CCMA wu ta pfuna SARS ku hetisisa mhaka leyi no kongomisa matimba ma yona eku yiseni ka nhlango emahlweni.